

1. Sarajevska regionalna razvojna agencija SERDA d.o.o. Sarajevo, Kolodvorska 6, koju zastupa direktor, dr. Ševkija Okerić (u daljem tekstu: Društvo)
- i
2. Društvo za reviziju i savjetovanje „REVKER“ d.o.o. Sarajevo d.o.o. Sarajevo, ul. Azize Šaćirbegović bb, Sarajevo, kojeg zastupa direktor Suad Prašljivić (u daljem tekstu: Pružalac usluga), zaključili su

UGOVOR

o pružanju usluga provođenja revizije projekta Challenge to Change (Izazov 2.0)

Član 1.

Predmet ovog Ugovora je **usluga provođenja revizije projekta Challenge to Change (Izazov 2.0)**, za period 01.01.2018. do 31.12.2018. godine, u skladu sa Međunarodnim standardima finansijskog izvještavanja i sa Opisom usluga koji su sastavni dio Tenderske dokumentacije.

Pružalac usluga će utvrditi obim i vrstu testiranja zavisno od procjene pouzdanosti internih kontrola, materijalnosti i obima rizika iz izvještaja Društva/Projekta.

Član 2.

Poslovi iz člana 1. ovog Ugovora obaviti će se stručno i kvalitetno na čemu će biti angažovan dovoljan broj stručnjaka iz oblasti računovodstva i revizije specijalizovanih za te poslove.

Član 3.

Revizija će biti obavljena tako da se dobije čvrsto uvjerenje o računovodstvenim iskazima. Revizija obuhvaća pregled poslovnih knjiga i dokaza o iznosima iskazanim u računovodstvenim iskazima. Revizija takođe obuhvaća ocjenu računovodstvenih politika, te ocjenu značajnih promjena koje radi Pružalac usluga, kao i ocjenu sveukupne prezentacije računovodstvenih iskaza.

Član 4.

Pružalac usluga će vrednovati i izvjestiti Društvo o utvrđenom stanju koje se odnosi na značajna odstupanja od prihvaćenih politika i procedura, te dati preporuke u otklanjanju istih.

Član 5.

Revizijom će biti utvrđena razumna sigurnost da računovodstveni iskazi ne sadrže značajne materijalne pogreške, koje su izazvane greškom ili prevarom. Revizija provedena u skladu sa Međunarodnim standardima finansijskog izvještavanja, osigurava da se postigne razumna, a ne apsolutna sigurnost da u računovodstvenim iskazima nema značajnih materijalnih grešaka.

Član 6.

Cilj revizije je izražavanje mišljenja o računovodstvenim iskazima. Izražavanje mišljenja i njegova formulacija ovisit će o činjenicama koje su za Društvo/Projekat važile na dan njegova izdavanja.

Član 7.

Računovodstveni iskazi Društva - projekta Challenge to Change (Izazov 2.0) spadaju u djelokrug odgovornosti Uprave Društva. U tom smislu Uprava Društva je bila obavezna osigurati poslovanje Društva/Projekta u skladu sa zakonima Federacije Bosne i Hercegovine i Projektom, ispravno evidentiranje transakcija u računovodstvenim zapisima, pravilne računovodstvene procjene te sigurnost sredstava.

Uprava Društva ima odgovornost za izradu pravovremenih prezentacija i dostavu svih dodatnih računovodstvenih i drugih informacija značajnih za reviziju.

Član 8.

Ukoliko Društvo namjerava publikovati ili na drugi način reprodikovati u obliku dokumenta Izvještaj revizora o računovodstvenim iskazima Društva/Projekta, na bilo koji drugi način izdati dokument u kome su sadržane i neke druge informacije osim revizijskih računovodstvenih iskaza, Društvo će u tom slučaju dostaviti nacrt takvog dokumenta Pružaocu usluga na čitanje i odobrenje za takvo korištenje izvještaja, prije nego se takav dokument štampa ili distribuira.

Član 9.

Revizija će započeti odmah nakon zaključivanja ovog Ugovora, te će se Nacrt izvještaja izdati do 14.02.2019. godine.

Nakon prihvatanja Nacrta Izvještaja od strane Društva, Izvještaj će se izdati u roku od jednog dana. Izvještaj se izdaje na engleskom jeziku i jednom od službenih jezika BiH.

Ako nastupe okolnosti zbog kojih može doći do odgode izdavanja Izvještaja, Pružalac usluga će o tome odmah izvjestiti Upravu Društva.

Član 10.

Naknada za reviziju utvrđena je na vremenu provedenom za različite nivoe odgovornosti. U skladu s tim naknada iznosi 3.000,00 KM (slovima: trihiljade KM) bez PDV, odnosno 3.510,00 KM (slovima: trihiljadepetstodeset KM) sa PDV-om.

Plaćanje naknade iz stava 1. ovog člana izvršit će se nakon obavljenog posla, prihvatanja izvještaja i dostavljene fakture, na račun broj: 1610000203980050 kod Raiffeisen Bank.

Član 11.

Naknada iz prethodnog člana ne uključuje bilo kakve dodatne usluge koje bi trebalo obaviti u vezi sa bilo kakvim zahtjevom za upotrebu izvršenja Pružaoca usluga.

Društvo nema pravo umanjiti naknadu iz prethodnog člana ukoliko do kašnjenja rezultata revizije dođe zbog nepravovremene, nepotpune ili netačne prezentacije od strane Društva dodatnih finansijskih i drugih informacija značajnih za reviziju.

Član 12.

Ovaj Ugovor je sačinjen u 4 (četiri) primjerka od kojih svaka stranka potpisnica dobiva po 2 (dva) primjerka.


U znak prihvatanja obaveza iz ovog Ugovora, ugovorne stranke ga, putem ovlaštenih predstavnika potpisuju.

Član 13.

U slučaju spora iz odredbi ovog Ugovora, a da ga ugovorne stranke prethodno nisu mogle sporazumno riješiti, nadležan je sud stvarne nadležnosti u Sarajevu.
Sastavni dio ovog Ugovora je Ponuda Pružaoca usluga broj: 16/01/19-PS.

„REVKER“ d.o.o. Sarajevo

**Direktor
Suad Prašljivić**



Sarajevo, 01.02 2019. g.
Broj: _____



SERDA d.o.o. Sarajevo

**Direktor
dr. Ševkija Okerić**

Sarajevo, 01.02 2019. g.
Broj: 16-12/19